


**REAS**  
**GALICIA**



**DOSSIER**

# QUE É REAS?

REAS Red de Redes é o principal espazo da Economía Social e Solidaria do Estado español, con 18 redes (14 territoriais e 4 sectoriais) que agrupan a máis de 500 entidades e empresas baixo 6 grandes principios:



EQUIDADE



TRABALLO



SUSTENTABILIDADE  
AMBIENTAL



COOPERACIÓN



SEN FINS  
LUCRATIVOS



COMPROMISO  
CO ENTORNO

Podes consultar esta Carta e os seus principios na páxina web:  
<https://www.economiasolidaria.org/carta-de-principios>

## MISIÓN

REAS Red de Redes (en adiante, REAS RdR) ten como misión fundamental promover a Economía Solidaria como un instrumento ao servizo da sustentabilidade da vida, onde as persoas e o medio estean por riba doutros intereses. Configúrase como movemento social e económico: social en alianza con outros movementos sociais, culturais e ecolóxicos para denunciar, resistir e construír outro modelo de desenvolvemento máis xusto, participativo, humano, solidario e ecolóxico; e económico ao incorporar a todas as nosas relacións económicas (producción, consumo, finanzas e distribución) os principios da economía solidaria.



Reas Galicia forma parte de REAS RdR. Xuridicamente, REAS Galicia é unha asociación de carácter non-lucrativo, sen filiación partidista nin relixiosa, con ámbito de actuación en todo o territorio galego.



## COMPRA PÚBLICA RESPONSABLE

REAS está a ser referente neste tema en varios territorios e promoveuse en 2016 un equipo e unha ferramenta web para responder á demanda crecente sobre compra pública socialmente responsable das administracións públicas: <http://www.contratacionpublicaresponsable.org/>

Cómpre destacar tamén a participación de REAS RdR no IV Congreso de Compra Responsable. Celebrouse o 22 de outubro de 2015 en Madrid, organizado por IDEAS en colaboración con REAS RdR, a Asociación Española de Profesionais de Compras, Contratación e Aproveitamento (AERCE), a Confederación de Consumidores e Usuarios (CECU), e a Coordinadora Estatal de Comercio Xusto (CECJ).

CLÁUSULAS  
ÉTICAS

CLÁUSULAS  
SOCIAIS

CLÁUSULAS  
MEDIO-  
AMBIENTAIS

# QUEN FORMA REAS?

CASE 40000 persoas participan en REAS, máis de 8000 contratadas, cuns ingresos anuais de máis de 350 millóns de euros



## PROPOSTAS POLÍTICAS

Coa reestruturación de REAS RdR a finais de 2014, a rede estatal estreouse co rol de suxeito político en 2015, ano no que se celebraron eleccións locais e autonómicas en maio, e xerais en decembro. Para responder a este reto, realizouse con todas as redes de REAS unha Xornada sobre Políticas Públicas na que se elaborou un documento base cun **decálogo de propostas** en materia de política local para que cada rede amplíe, segundo a súa realidade, e poder facelas chegar a partidos políticos, axentes sociais e á cidadanía en xeral.

Son propostas que en materia de política local teñen o fin de avanzar na transformación dos territorios baixo criterios de economía solidaria. Territorios nos que a economía estea ao servizo das persoas, o ben común e a sustentabilidade da vida. Territorios que redefinan o seu modelo de desenvolvemento na dirección da construción de sociedades máis equitativas, socialmente inclusivas e ambientalmente sostibles.

Con ocasión da celebración das eleccións xerais o 20 de decembro de 2015 e o 26 de xuño de 2016, o Consello Confederal de REAS RdR, elaborou outro documento máis específico de ámbito estatal con propostas para emprazar as forzas políticas a que manifesten a súa posición fronte a elas e as incorporen nos seus programas electorais. O documento chámase «Por unha economía máis xusta, democrática e sostible».

Os resultados na interlocución cos grupos políticos antes das eleccións e despois coas entidades locais e autonómicas foron moi numerosos e dependeron en gran medida da capacidade de cada rede e da composición política de cada municipio ou goberno.

## CONSOLIDACIÓN DE INSTRUMENTOS COMÚNS



Un dos principais obxectivos a medio prazo de REAS Galicia é ser quen de consolidar un **mercado social galego**. Trátase dunha rede territorializada de produción, distribución e consumo de bens e servizos, de aprendizaxe común, que funciona con criterios éticos, democráticos, ecolóxicos e solidarios, constituída tanto por empresas e entidades da economía solidaria e social como por consumidores/as individuais e colectivos.

No eido galego, e a iniciativa de varias entidades socias de REAS Galicia, xa está en marcha o proxecto **BEN MERCADO**, que busca ser un lugar onde facer consumo consciente a golpe de clic.

O segundo dos instrumentos que seguiremos tentando consolidar é a **AUDITORÍA SOCIAL**. A auditoría é unha ferramenta que axuda a avaliar a actividade das entidades da rede tendo en conta a evolución de indicadores non só económicos, senón tamén sociais e ambientais: xénero, toma de decisións, consumo de enerxía, distribución salarial... Cos resultados confecciónase un informe territorial e estatal coa realidade dun número crecente de entidades. A auditoría vaise realizar todos os anos.

Por último, o terceiro instrumento común é a **MESA DO SISTEMA DE FINANZAS ÉTICAS** de REAS RdR, formada polas catro entidades que traballa neste eido no ámbito estatal: CAES, Coop57, Fiare e Oikocredit. Esta Mesa asume o reto de consolidar un espazo que recolla a longa tradición e a gran riqueza de experiencias de finanzas éticas que existe en REAS RdR e que as reforce e coordine.



## ESTRUTURA DE REAS GALICIA

Pola idiosincrasia galega, ligada ás microempresas e á dispersión xeográfica, en REAS Galicia contamos con dous tipos de socias: dunha banda, as entidades e empresas que participan na ESS galega e, doutra, persoas que colaboran a título individual.

O máximo órgano decisorio é a asemblea de todas as entidades e persoas socias, que se reúne de forma ordinaria catro veces ao ano. O resto do tempo, a Xunta Directiva encárgase da actividade cotiá e créanse comisións específicas para traballar en tarefas concretas.

Desas catro xuntanzas anuais, ten especial relevancia o Encontro, que vimos celebrando cada primavera desde 2016. É un espazo de visibilización e mostra da fortaleza crecente da nosa rede.



## COMUNICACIÓN

A comezos do ano 2018, renovouse o portal web [www.economiasolidaria.org](http://www.economiasolidaria.org) tras o éxito dunha campaña de crowdfunding que axudou a financiar en boa medida a nova páxina de REAS Red de Redes, na que REAS Galicia conta cunha sección onde se atopa o directorio de entidades, novas do territorio no eido da economía solidaria e materiais útiles.

Tamén ofrecemos información sobre o noso traballo nas redes sociais. Estamos presentes no Facebook (onde temos máis de 1000 seguidores/as) e no Twitter (máis de 300).



## ENTIDADES SOCIAS DE REAS GALICIA

A PALLEIRA  
Vivieoda turística en Tronceda

itaco  
GOLF MARIL LIGRE



feitoriaverde

Artigo 14

COUSAS da TERRA



C.D.R. "PORTAS ABERTAS"

catroventos  
EDITEUR

árbore  
COOPERATIVA CONSUMO CONSCIENTE

espazo  
coop

GIT Galiza Sur  
Galiza Norte

ADR  
MONTEDERRAMO  
Y CASTRO CALDELAS



[reasgalicia@reasnet.com](mailto:reasgalicia@reasnet.com)  
[economiasolidaria.org/reas-galicia](http://economiasolidaria.org/reas-galicia)



[www.facebook.com/REAS.Galicia](https://www.facebook.com/REAS.Galicia)



[www.twitter.com/REAS\\_Galicia](https://www.twitter.com/REAS_Galicia)



[www.instagram.com/reasgalicia/](https://www.instagram.com/reasgalicia/)